

臺灣文獻匯刊

■ 陳支平 主編

第五輯

第二冊

◎◎ 九州出版社
◎ 廈門大學出版社

臺灣文獻匯刊

第五輯 ◎ 第二冊

金門縣志(二)

◎九州出版社
◎廈門大學出版社

金門縣志

金門縣志

五冊

金門縣志

金門縣志忠烈傳目錄

明

陳顯

蔡希旦

張璇光

張敏

盧若騰

清

李耀國

余壽

陳邦材
孫文元

江順保
陳必高

蕭富

胥獻珪

子德恩

曾元章

許攀桂

許法

李合成

黃志輝

邱成勳

劉高山

李高然 紀光壽

劉高崇 郭廷邦

李啟明 楊肇基

許朝陽

楊天庇

彭奪超

邱聯恩

林茂生

郭秉衡

林高山 吳允興

李震龍

洪集

金門縣志

金門縣志卷十九

列傳三

忠烈

明

陳顯號南海陳坑人。洪武壬子經魁。知德州。調直隸北平州。太宗時為燕王廉其才。辟掌書院。嘗乘奕諷諫。旋以病告歸。靖難初遣使召顯。夜沐浴具衣冠再拜而死。祀忠義祠。府縣志

蔡希旦字可久。號中溪。平林人。習儒業。弗遇力農以養親。父病衣不解帶。禱以身代。父歿。水漿不入口三日。殯祭悉遵家禮。嘉靖庚申倭夷內訌。念父未葬。偕二弟趣嚴具。自操杵鉞成。

墳至指盡血既襄事而賊愈迫里中合謀禦之推希旦為首
悉括丁壯得二百餘人晝夜巡警親勸督之數日賊大至眾
相視無人色希旦挺身出眾從之賊揮刀引騎衝其胸十砲
齊發眾奔希旦立不動已而賊三道繞其後眾莫應者遂死
焉年甫五十希旦謹嚴仁厚嘗讀書野寺一婦夜欸門不納
寺有小僧暴卒其師素潔不敢近已就木矣希旦探其懷微
溫灸而起之旁舍嫗無子嘗向希旦乞食一日嫗不至希旦
曰必病也遣子往視則臥簀憊甚復持粥粥之嫗病尋愈族
有悍子忤繼母至嚙其臂父怒縛將沈之希旦曰子無狀誠
當死然亦念其母且人其以為惑後妻殺前子也引至祠堂

金門縣志

扶而與更新子因感激改過及遭難知不知無不流涕後以

子守愚貴贈主事晉贈四川按察使

府縣志清
白堂稿

張璇光號義山青巖人磊落自豪讀書有獨得年二十冠童子

軍補邑弟子員踰年餓於庠崇禎之季時事日非自傷不能

借箸報國每劇飲大醉慷慨悲歌或繼以痛哭甲申之變絕

粒數日不死持巾櫛歎曰太祖頒諸生巾自冠臨朝三日取

前庶人後三公之義為諸生者獨不可以三公之義自効乎

自櫛髮投井中水淺僅沒其半乃俛首就淺水中死聞者奔

援之不及猶見其屈身就死狀時年二十有六曾孫時霖清

乾隆甲子舉人述其事京中公卿及同鄉紳士各賦詩為贈

標曰表微錄太史南昌萬孺菴武榮洪艮堂序之

府縣志張氏家譜

張敏字輔德青嶼人正統乙巳沙尤寇起敏季父益彬集里中人保障為仇所誣逮長者戍軍幼丁閹割之敏與其兄張慶張本俱被閹送詣京師稍長選入內庭敏雖幼而言動舉止迥異常兒英宗擇為青宮近侍事憲宗恭慎無過憲宗嗣位敏旦夕左右至子夜輒起以侍有所聞見未嘗外洩外廷諸事概不干涉忠謹之名溢於宮禁嘗奉命操練騰鑲四衛官軍兼理十九房馬政監督五軍大營未幾賜璽書總督十二團營敏持法嚴而能推心體下士卒懷畏前後賞賚若書籍圖畫蟒衣玉器金鞍之類不可勝數又於常廩外歲給米三

金門縣志

十石特除其家戍軍籍五處召工圖其貌用壘識歲月敏兄本以御馬太監守備南京慶以司禮太監鎮守浙江諸子暉鴻臚寺卿苗太常寺卿先是憲宗春秋高未有子萬貴妃專寵而妬後宮有孕者皆墮之悼恭太子亦遇害帝偶行內藏紀太后以嬪御守藏應對稱旨得幸有娠萬妃知而恚謫居安樂堂生孝宗使敏溺焉敏驚曰上未有子奈何棄之乃藏之他室加意撫養紀太后乳少敏時袖粉餌哺啜萬妃日伺無所得時吳后廢居西內近安樂堂常往來哺養帝自太子薨後久無嗣一日召敏櫛髮照鏡歎曰冉冉矣而未子敏伏地稱死罪曰萬歲有子也帝叱曰安得有敏叩頭言狀帝大

喜即日幸西內遣迎皇子擁至階下髮披地走入帝懷已六
歲矣帝撫視久之悲喜泣下曰我子也類我使赴內閣具道
故羣臣入賀頒詔天下移妃居永壽宮二十一年敏疾帝遣
太醫診視訃聞震悼遣司禮御馬二監治喪賜寶鈔二萬貫
冠帽牙牌玉帶祭二壇戶部給齋糧麻布工部造墳及孝宗
立追賜敏璽書官其姪苗南通政使質至錦衣衛指揮同知
管衛事暉亦以慶蔭官光祿寺少卿食三品俸賜敏塋地通
州三百畝守卒二十人其後有錦衣千戶張鵬張臻百戶張
宏恩澤之盛大璫所稀苗子定登進士

明史府
縣志

盧若騰字閑之一字海運號牧州賢聚人崇禎丙子舉人庚辰

金門縣志

進士御試召對稱旨時中外多警上雅意邊才授兵部主事
譽望大起黃道周沈佺期范方引為同志以氣節相尚會閩
臣楊嗣昌督師湖廣請刊布法華經祈福若騰疏叅嗣昌不
能討賊只圖佞佛帝以新進小臣妄詆元輔嚴旨切責時論
壯之陞本部郎中兼總京衛武學三上疏劾定西侯蔣惟祿
有惡其太直者外遷浙江布政使司左參議分司甯紹巡海
兵備道途次疏糾權璫田國興攬帶貨船濫用人夫辱州縣
阻開口有旨調國興回論如法附錄叅內使田國興疏原任
兵部武庫司郎中今陞浙江
巡視海道布政使司右叅議兼按察司僉事臣盧若騰謹奏
為直糾不法內臣事臣於七月二十九日辭朝領敕給兵部
良字勘合繇水程前去浙江到任自北直至山東所過廬舍
坵墟傷心慘目獨幸今秋頗熟餘糧棲畝因念陛下日施寬

恤之政使內外臣子守法奉公而無貪婪殘暴者為之蠹即復觀富庶之舊易耳八月二十四日抵臨清州東開口方欲泊舟忽有內員彎弓放彈率百餘人擁舟狼打轎傘俱碎家人衣履盡被搶散時有赴任南京工部主事臣陳以達泊舟相連亦被打搶臣倉皇問故據內員稱奉欽差往南見帶船二十四隻過開未定不許別舟泊此臣徐察內員姓田名國興所攬帶皆民船滿裝違禁貨物載重行遲次日仍未盡過開臣等恐又違憑限乃於第三日駕舟前進國興率眾喊攻瓦石亂拋彈丸雨下以達當先被打臣乃同赴任南京戶部主事臣黃慶星登岸諭以臣等捧敕赴任不宜相阻國興益肆訶叱監開道臣周沂束手無可奈何以達慶星二臣可問也臣入山東界即聞前有內臣沿途擾驛至是果見國興行牌開座船二十四隻每隻派夫三十七名外仍索鼓吹手一十六副通計用夫九百餘名頃州官未辦鎖拏兵房書手重責幾斃該州可問也夫臨清設立鈔關原以察姦而兼權稅國興受賂攬船使察與權俱無所施撓關政罪一貨船連日塞開南來糧船未免稍費停待妨漕運罪二臣叨陞監司已列方面捧敕赴任君命所寄國興於眾入屬目之地彈擊而凌轡之辱朝廷罪三今各官歷用夫馬奉有欽定額數國興不遵勘合徑行私派違明旨罪四山東兵荒之後子遺幾

金門縣志

何國興派夫至九百餘名實用則偏瘁其筋力折乾則並竭其膏血戕民命罪五臣原荷簡擢殊恩涓糜未報今日擊此不法之狀倘隱忍不言誰復為陛下言者乞敕諸臣據實具奏如果臣言不虛即將內臣田國興付法司律擬示戒並祈陛下垂察一應差務非萬不得已者勿輕遣內員以致滋擾則聖德沾濡益普而太平旦夕可期矣臣無任激切待命之至為此具奏九月二十五日奉聖旨據奏田國興擾驛阻開大肆騷擾不法殊甚此係何差遣原給勘合船隻夫馬額數若何着司禮監察明作速撤回另奪其攬帶多船及貨物着該撫按盤驗速奏不許漏縱並一路用過人夫居官潔己惠及凌虐州縣等情通着據實察來該衙門知道居官潔己惠民剔奸弊抑勢豪峻絕餽遺輕省賈餒風裁凜凜值山賊胡乘龍竊發平之士民建祠以奉有盧菩薩之稱福王立召為僉都御史督理江北屯田巡撫盧鳳提督操江嘗與劉宗周書云天下有亂形有亂根今日文武不和而文又與文不和

武又與武不和。此亂形也。人心之生死分於理欲之消長。盈世界盡汨沒於利欲之場。而絕不體認天理。此亂根也。士大夫止圖做官。不肯盡職。官爵為市。賄賂公行。日言懲貪。而貪官未嘗不蒙遷擢。日言獎廉。而廉吏未必盡免擯棄。又如監司守令。廉隅自砥者。必愛小民。必抑豪右。鄉紳雖心服之。而未免憎之。忌之。甚至羅織而汙蔑之。其盭盭不飾者。必徇情面。必畏疆禦。鄉紳雖心鄙之。而畢竟德之。憐之。甚至多方而庇援之。夫天下惟中人最多。苟非大賢。受衆人之刼制。未有不改腸易行者。理念全消。欲趣轉盛。求紀綱刑政之無亂。不可得也。先帝殉難。而累累若若之輩。方屈膝以降賊。旋俯首

金門縣志

以事虜原其心曰愛惜性命似矣而未盡也人苟實見得世間物事無可以牽掛吾身者自然捨命不難彼實見留得身子在時有許多受用遂至甘心與醜虜為類而不恤然則愛惜性命尚是第二念而耽戀利欲乃其第一念當其取科第戴進賢時便已立定此等識趣非一朝一夕之故也故嘗謂士大夫之立朝者盡法老先生之立朝則太平有日其居鄉者盡法老先生之居鄉則太平亦有日今皆反是則惟有載胥及溺而已矣

舊志於牧洲與劉宗周書僅節錄數語今按全書痛論當時亂形亂根極為切實特全叙

入明年夏行次錢塘而南都亡同安志所載歷任鳳陽巡撫在甲申以前考明史職官志

鳳陽巡撫嘉靖三十六年以倭警添設四十年歸併總督漕運今據三藩小紀及文集辭浙撫疏斷為福王時至全祖望

所稱尚書為甲申以後官不載不知勝朝殉節諸臣錄明史
通鑑輯覽於諸臣之仕唐桂魯三王者概手原官今謹遵欽
定諸書唐王授以都察院右副都御史巡撫溫處台甯時已
例補入
命孫嘉績于穎矣按是時已命紹興鄉紳孫嘉績巡撫浙東
復允吏部之請用原任紹興守道于穎巡
撫浙又命若騰因事權不專疏辭不許將赴任請以總兵賀
君堯統靖海營水師以其弟遊擊若驥扼守盤山關要害時
紹興諸臣奉魯主監國誠意伯劉孔昭總督楊文驄分據台
甯處州若騰所撫惟溫州一府而已督師黃道周軍婺源以
沈有茲徐柏齡隸其麾下致書有云聞至浙東喜而不寐不
特聲氣可通亦且形勢相起補錄黃石齋督師來書云牧翁
兄丈聞駕至浙東喜溢寤寐不
獨聲氣可通亦形勢相起也會稽阻於長江欲取吳會非勾
踐之志種蠡之力不足一聘要當選其精良西渡為航從安